



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

Nvm. 1. Nomen.

urn:nbn:de:hbz:466:1-13167

gnis æstuarijs lacerata est. Latitudinem habet à 64 $\frac{1}{2}$ ad 68. cum 20. minutis, ac proinde milliarium 190. Longitudinem à 356 $\frac{1}{2}$ ad 11. qui ad maiorem circulum reuocari reddunt 236. milliaria.

N v M. 3. Qualitas.

O c t o mensibus hīc frigus perdurat: cūm deest iumentis fœnum ea pīscibus pascunt, incolæ macrobij & plerique annum 150. attingunt. Hīc multa Balnea.

MERCES, pīsces exsiccati, adeps, oleum ex pīscibus, butyrum in arcis 40. pedum, sulphur.

N v M. 4. Mores.

SUPERBI sunt ob corporis immane robur. Omnes pīscationi dediti: Magi hīc plurimi, qui ventos vendunt, & sibilo naues fistunt. Norunt omnes legere, quia à parentibus edocentur.

N v M. 5. Religio.

ANNO Christi 1000. conuersi sunt admittente Olauo Rege Noruegiæ, quando & duo Episcopi creati. Sed sub Christierno III. ad Lutheri seftam vocati sunt, per Ministrum ad eos ab Rege missum.

N v M. 6. Politia.

OLIM regebantur ab optimatibus electis, sed demum Oligarchiæ pertæsi Haquino Regi Noruegiæ submiserunt seſe. Ad eos regendos in præsentia mittitur Præfetus qui residet in arce Baslede. In tres ordines distributa sunt libera capita, in Iudices Lochmanes, Nobiles Bunden, & Clerum, reliqui seruorum habentur loco.

§. 4. De Groenlandia.

N v M. 1. Nomen.

SIC dicitur quasi Terra viridis, vel per ironiam, vel si compa-

Parall. Geogr. Tom. II.

Z

N V M . 2 . *Quantitas.*

QVANTITAS eius incompta , pars eius quæ dicitur *Meta incognita* gradum 60. attingit , pars maximè Septentrionalis ultra 70. detecta non est. Nescitur utrum sit continens aut Insula , in præsentia probabilius est continentem esse.

N V M . 3 . *Qualitas.*

NVLLA hîc arbor (quidam tamen nuces & quercus agnoscunt) incolæ vtuntur ossibus piscium ingentibus, quæ mare quotidie ad littus euomit.

MERCES. Hinc afferuntur marmora diuersi coloris , pelles , & pisces exsiccati , & cornu piscis quod haec tenus Monocerotis cornu creditum est.

N V M . 4 . *Mores.*

VICTITANT indigenæ carnibus vrsorum , vulpium , leporum & damarum . Item & piscibus & volucribus , vitamque similem agunt Canadensisbus . Crudis carnibus cum voluptate se ingurgitant.

N V M . 5 . *Religio.*

ANNO Christi 1000. eò penetravit , beneficio Olaui Noruegiæ Regis , cōque missus Episcopus . Postea & eò Patres Dominicanici transisse dicuntur : de quorum Monasterio in Admirandis.

§. 5. *De Spitsberga.*

NOMEN habet à voce Germanica *Spits* quæ acutum , & *Bergen* , quæ montem significat: sic dicta est ab Henrico Helmskerck , qui anno 1596. eam detexit . Sed Angli contendunt ante annos 17. inuentam , dictamque *Neuland* , *nouveau pays* , aut *Greenland* , *Terre verte* : Interim dum inter se disceptant , Rex Danus per Præfectum *Vardhusianum* , hinc sibi vestigalia à pescatoribus exigit.